

ODGOVORNO NOVINARSTVO:  
LGBT OSOBE I MEDIJI



Poziv za učešće na školi za studente/ice novinarstva,  
komunikologije i mlade novinarke\_e  
**Odgovorno novinarstvo: LGBT osobe i mediji**  
24-26.02.2016. Bjelašnica

Sarajevski otvoreni centar poziva sve studentice i studente novinarstva, komunikologije i mlade novinarke/e iz Bosne i Hercegovine, koji su završili studij u zadnje tri godine, da se prijave na školu pod nazivom: **Odgovorno novinarstvo: LGBT osobe i mediji**.

Škola će biti održana od **24. do 26. februara 2016. Godine** na Bjelašnici.

Sarajevski otvoreni centar (SOC) zagovara puno poštivanje ljudskih prava i društvenu inkluziju LGBT (lezbejki, gej muškaraca, biseksualnih i trans\*) osoba i žena.

Škola ima za cilj afirmaciju prava LGBT osoba i senzibilizaciju javnosti kroz odgovorno novinarstvo mladih ali i budućih novinara/ki, uz njihovo aktivno učešće tokom trajanja škole. Izvještavanje o pravima manjina, kao i o pravima LGBT osoba, na profesionalan i etički način značajna je tema, jer mediji predstavljaju moćan instrument kojim se može vršiti uticaj na stavove i ponašanje građanki/a. Kako se obrazovne institucije samo djelimično dotiču ove teme, neophodno je da se kroz vannastavnu edukaciju buduće novinarke/i edukuju o ovoj temi.

Učesnice/i će imati priliku da se upoznaju sa terminologijom vezanom za prava LGBT osoba, uče o stereotipima i predrasudama kroz različite vježbe, saznaju kakav se jezik koristi u medijima kada je u pitanju izvještavanje o LGBT temama, te koji su to dominantni obrasci predstavljanja LGBT osoba. Imat će priliku da dobiju informaciju zašto je bitno pisati o LGBT temama, te koja je odgovornost medija za kreiranje javnog diskursa o LGBT osobama.

Budući da mediji najviše prostora posvećuju izvještavanju o paradi ponosa, učesnice/i će imati priliku da prisustvuju predavanju o tome da li je parada ponosa provokacija ili politički čin, te šta ona predstavlja za LGBT osobe, društvo i državu. Govorit ćemo i kako novinari/ke koje rade u mainstream medijima mogu da sami otvore prostor za LGBT teme. Budući da živimo u doba novih medija na školi će biti govora i o radu u online medijima koji u svojoj platformi sadrže i primarno izvještavanje o LGBT temama.

Nakon završetka, kao obavezni dio škole, učesnice/i će imati obavezu da urade novinarski tekst na temu prava i života LGBT osoba iz BiH, te imati priliku da objave isti na portalu [lgbt.ba](http://lgbt.ba).

Organizatori preuzimaju troškove smještaja i ishrane i puta od Sarajeva do Bjelašnice, a putni troškovi za učesnice/ke iz drugih gradova će biti refundirani nakon završetka Škole.

**Rok za prijavu na Školu je 15. februar 2016. godine.**

Svi zainteresovani za učešće na Školi moraju popuniti formular i napisati motivacijsko pismo (do jedne A4 stranice u wordu) koji treba da sadrži informaciju o razlogu prijave na Školu, da li ste se do sada susretale/i sa temama vezanim za LGBT osobe i šta za vas predstavlja profesionalno i etičko izvještavanje o LGBT temama u bh. medijima.

O rezultatima konkursa prijavljene/i će biti obaviještene/i najkasnije do 19. februara 2016. godine.

Formular i motivacijsko pismo, kao i sva dodatna pitanja, šaljite putem maila na: [leja@soc.ba](mailto:leja@soc.ba).

*Školu organizujemo u sklopu MATRA programa Ambasade Kraljevine Nizozemske.*